

四庫全書

集部

欽定四庫全書

集部

甫里集

目錄
卷一至三

詳校官國子監司業臣納麟賢

檢討臣何思鈞覆勘

總校官庶吉士臣倉聖脉

校對官助教臣羅萬選

謄錄監生臣羅善慶

欽定四庫全書

集部二

甫里集目錄

別集類一 唐

卷一

五言古詩

卷二

五言古詩

卷三

五言古詩

卷四

五言古詩

附七言排律

卷五

五言律詩

卷六

五言律詩

卷七

五言絕句

卷八

七言律詩

卷九

七言律詩

卷十

七言律詩

卷十一

七言絕句

卷十二

七言絕句

卷十三

雜體詩

附聯句

卷十四

賦

卷十五

賦

卷十六

雜著

卷十七

雜著

卷十八

雜著

卷十九

雜著

卷二十

附錄

臣等謹案甫里集二十卷唐陸龜蒙撰龜蒙詩文嘗自編為笠澤叢書其與皮日休唱和之作則多見於松陵集皆別著錄其全集則當時初無專本宋寶祐間葉茵始蒐采諸書得遺篇一百七十一首合二書所載四百八十一首共六百五十二首編為十九卷並附

錄總為二十卷林希逸為序刊板置義莊歲久闕失明成化丁未崑山嚴景和重刊之於附錄之中增胡宿所撰甫里先生碑銘一篇陸鉞序之此本乃萬厯乙卯松江許自昌又取嚴本重刻於附錄中續增范成大吳郡志一條王鏊姑蘇志一條其餘詩十三卷賦二卷禱文四卷則悉依舊次葉本所附顏萱過張祐丹陽故居詩序龜蒙特屬和而已其事

不應附之于集胡宿碑銘姑蘇志云其碑亡
嚴氏所錄蓋据集本宿集載永樂大典中意
成化中尚未佚也希逸序中辨詔拜拾遺一
事極精核足證新唐書之誤茵於楊億談苑
所載彈鴨一事反覆推論殊為無謂文人游
戲亦復何關於賢否而力爭以為必無亦可
謂迂拘之甚矣乾隆四十三年六月恭校上

總纂官臣紀昀臣陸錫熊臣孫士毅

總校官 臣陸費墀

欽定四庫全書

提要

甫里集原序

漢而下史錄諸家名集其殘缺不完失滅不可見如歐陽公所歎者不知其幾百氏也方其存時或託之交游授之門人付之孫子豈不欲其必傳傳之必遠要之皆不可必其間乃有出于破囊敗度之中幾廢而幸存若子雲不必侯芭太白不必陽冰退之不必李漢子厚不必禹錫千載而後往往不期而得之是豈偶然者甫里先生之沒去今幾百載矣遺稿所存僅有松陵笠澤二

書其詩似陳拾遺其文似元道州平居以文章自怡雖幽憂疾病無旬日生計未嘗暫輟塗竄則其平生所著豈應止爾常以棄珠遺璧為恨今吳江葉君茵乃作意掇拾而裒益之懇懇勤勤若褚先生之于史記張處度之于沖虛經網羅放失將必有續得而未已者於先生何忠哉先生之亡研墨泚筆者雖穉紫溪翁鹿門子諸賢皆平昔所深交者豈無一人可任此責苟有焉亦不至散軼如此視葉君殊有愧矣然史稱盧攜李蔚素與

善及當國召拜拾遺詔方下而先生卒以史考之盧李
皆相于乾符元年五年皆罷而叢書自序乃曰乾符六
年卧病笠澤是二人既罷而先生猶無恙也若曰六年
之冬攜嘗再相則與李蔚無與矣然攜附田令孜以進
卒為所擠而死使先生猶在亦豈斯人可致哉史氏之
云若以此為先生惜者誤矣寶祐六年冬十有一月朝
請郎直寶謨閣林希逸序

欽定四庫全書

甫里集卷一

唐陸龜蒙撰

五言古詩

讀襄陽耆舊傳因作詩五百言寄皮襲美

日休字也

漢臯古來雄山水天下秀高當軫翼分化作英髦園暴

秦之前人灰滅不可究自從宋生賢特立冠耆舊離騷

既一作紀日月九辯即列宿卓哉悲秋辭合在風雅右麗

公樂幽隱辟聘無所就祇愛鹿門泉泠泠倚巖漱孔明
卧龍者潛伏躬耕耨忽遭玄德雲遂起麟角關三胡節
皆峻二習名亦茂其餘文武家相望如斥堠緬思齊梁
降寂寞寡清宵凝融為漪瀾復結作瑩琇不知粹和
氣有得方大受將生皮夫子上帝可其奏并包數公才
用以殿厥後嘗聞兒童歲嬉戲陳俎豆積漸開詞源一
派分萬溜先崇周孔室大懼隳結構次補荀孟垣所貴
亡罅漏仰瞻三皇道蟣虱在宇宙却視五霸圖股掌弄

孩幼或能醢髀或與翼鷁殼或喜掉直舌或樂斬邪
脰或耨鉏翳薈或整理錯謬或如百千騎合沓原野狩
又如曉江平風死波不皺幽埋力須掘遺落貲必購乃
于文學中十倍猗頓富囊乏向咸鎬馬重遲步驟專場
射策時縛虎當羿穀歸來把通籍且作高堂壽未足逞
戈矛誰云被文繡從知偶東下帆影拂吳岫物象悉摧
藏精靈畏雕鏤伊余抱沈疾顛顛守圭竇方推洪範疇
更念大玄首

去聲

陳詩採風俗學古窮篆籀朝朝貫薪米

往往逢責詬既被隣里輕亦為妻子陋持冠適甌越敢
怨不得售窘若鰓沙魚悲如哭霜狔唯君枉車轍以逐
海上臭披襟兩相對半夜忽白晝執熱濯清風忘憂飲
醇酎驅為文翰侶駕阜參驥廐有時諧宮商自喜真邂逅
道孤情易苦語直詩還瘦藻匠如見訓終身致懷袖
襲美先輩以龜蒙所獻五百言既蒙見和復示
榮唱至于千字提獎之重蔑有稱實再抒鄙懷

用仲酬謝

洪範分九疇轉成天下規河圖孕八卦煥作玄中竒先
開否臧源次築經緯基粵若魯聖出正當周德衰越疆
必載質歷國將扶危諸侯恣崛強王室方陵遲歌鳳時
不偶獲麟心益悲始嗟吾道窮竟使空言垂首贊五十
易又刪三百詩遂令篇籍光可並日月姿向非筆削功
未必無瑕疵迨至夫子沒微言散如枝一作披所宗既不
同所得亦異宜名法在深刻虛玄致希夷自從戰伐來
一派縱橫馳寒谷生艷木沸潭結流澌驚奔失壯士好

惡隨纖兒羸氏并六合勢尊丞相斯加于挾書律盡取

坑焚之南勒會稽頌北恢胡亥阼猶懷徧巡狩不暇親

維持及漢文景後鴻生方銀捫

出三都賦

簸揚堯舜風反作

三代吹飄飄四百載左右為籥籊鄴下曹父子獵賢甚

熊羆發論若霞駁

魏文帝典論有論文篇

裁詩如錦摘徐王應劉

輩頭角咸相衰

初危切

或有妙絕賞或為獨步推或許潤

色美或嫌詆訶癡條以中利病且非混醇醅雅當乎魏

文麗矣哉陳思不肯少選妄恐貽後世嗤吾祖仗才力

士衡
文賦

革車蒙虎皮手持一白旄直向文場麾輕去若脫

鉗鈇豁如抽庖

上琰
下移

精鋼不足利騷衷何勞追大可

罩山岳微堪析毫釐十體免負贅百家咸起痿爭入鬼

神奧不容天地私一篇邁華藻萬古無孑遺刻鵠尚未

已雕龍奮而為

劉勰有文
心雕龍

劉生吐英辯上下窮高卑下

臻宋與齊上指軒從義豈但標八索殆將包兩儀人謠

洞野老騷怨明湘纍立本以致詰驅宏來抵牾清如朔

雪嚴緩若春煙羸或欲開戶牖或將飾纓綈雖非倚天

劍亦是囊中錐皆由內史意致得東覓詞梁元盡索虜
後主終亡隋哀音但浮脆豈望分雄雌吾唐揖讓初陞
列森咎變作頌婉吉甫直言過祖伊明皇踐中日墨客
肩參差岳淨秀擢削海寒光陸離皆能取穴鳳盡擬乘
雲螭邇來二十祀俊造相追隨余生落其下亦值文明
時少小不好弄逡巡奉弓箕雖然苦貧賤未省親嚅哂
一作兒秋倚抱風桂曉烹承露葵窮年只敗袍積日無晨炊
遠訪賣藥客間尋捕魚師歸來蠹編上得以含情窺抗

韻吟此雅覃思念稅攤因知昭明前剖石呈清琪又嗟
昭明後敗葉埋芳蕤縱有月旦評未能天下知徒為強
貌豹不免參狐狸誰蹇行地足誰抽刺天髻誰作河畔
草誰為洞中芝誰若靈囿鹿誰猶清廟犧誰輕如舉毛
誰密如凝脂誰比蜀嚴靜誰方巴賁貲誰能釣抃鼇誰
能灼神龜誰背如水火誰同若塤篪誰可作梁棟誰敢
驅谷蠡鹿黎二音用此常不快無人動交鉞空消病裏骨枉
白愁中髭鹿門先生才大小無不怡就彼六籍內說詩

直解頤顧我迷未遠開懷潰其疑初開鑿本源漸乃疏
旁支遂古派泛濫皇朝光赫曦揣摩是非際一一如襟
期李杜氣不易孟陳節難移信知君子言可並神明著
枯腐尚求律膏肓猶謁醫況將太牢味見啗逋懸飢今
來置家地正枕吳江湄餌薄釣不曲跼然守空坻嘿坐
無影響唯君款茅茨抽書亂籤帙酌茗煩甌犧或伴補
缺砌或偕詣荒祠孤筇倚煙蔓細木橫風漪觸雨妨屣
屣臨流泥江離既狎野人調甘為豪士訾不敢負建鼓

唯憂掉降旗希君念餘勇挽袖登文陣

奉詔襲美先輩吳中苦雨一百韻

微生參最靈天與意緒拙人皆機巧求百逕無一達家

為唐臣來奕世唯稷卨只垂清白風凜凜自貽厥

龜蒙五代

祖六代祖皇朝繼在台輔

猶殘賜書在編簡苦斷絕其間忠孝字萬

古光不滅辱孫誠曹昧有志常捐捐敢云嗣良弓但欲

終守節諠譁不入耳讒佞不挂舌仰詠堯舜言俯遵周

孔轍所貪既仁義宣暇理生活縱有舊田園拋來亦蕪

沒因之成否塞十載真契闊凍骭一襜褕飢腸少糠粃

甘心付天壤委分任迴斡笠澤卧孤雲桐江釣明月盈

筐盛芡芰滿釜煮鱸鱖酒幟風外飭茶槍露中擷

茶芽未展

者曰槍已展者曰旗歌謠非大雅捃摭為小說上可補薰莖傍堪

趾芽蘗

龜蒙嘗著
稱說三卷

方當賣罽罽盡以易紙札蹤跡尚吳

門夢魂先魏闕尋聞天子詔赫怒誅叛卒宵旰憫烝黎

謨

一作暮

明問征伐王師雖繼下賊壘未即拔此時淮海

波半是生人血霜戈驅少壯敗屋棄羸耄踐蹋比塵埃

焚燒同稿秸吾皇自神聖執事皆問傑射策亦何為春
卿送聊輟伊余將貢技未有耻可刷却問漁樵津重耕
煙雨撥諸侯急兵食冗賸方翦截不可抱詞章巡門事
干謁歸來闔蓬楫壁立空豎褐煖手抱孤煙披書向殘
雪幽憂和憤懣忽愁自驚蹶文兮乏寸毫武也無尺鐵
平生所韜蓄到死不開豁念此令人悲翕然生內熱加之被
戰瘡况復久藜糲既為霜露侵一卧增百疾筋骸將束
縛腠理如篳撻初謂抵狂軀又疑當毒蝎江南多事鬼

巫覡連甌粵可口是妖訛恣情專賞罰良醫只備位藥
肆成虛設而我正萎痿安能致訶咄椒蘭任芳莖精糲
從羅列醎葷既屢傾錢刀亦隨藝蕪之瀆財賄不止行
盜竊天地如有知微妖豈逃殺其時心力憤益使氣息
愒永夜更呻吟空牀但皮骨君來贊賢牧野鶴聊簪笏
謂我同光塵心中有溟渤輪蹄相壓至問遺無虛月首
到春鴻濛猶殘病根茂看花雖眼暈見酒忘肺渴隱几
還自怡逢盧亦爭唱抽毫更唱和劒戟相磨戛何大不

包羅何微不挑剔今來值霖雨晝夜無暫歇雜若碎淵
淪高如破轆轤何勞鼉吼岸詎要鸛鳴垤祇意江海翻
更愁山岳裂初驚蚩尤陣虎豹爭搏噬又疑伍胥濤蛟
蜃相蹙拶千家濛濛練忽似好披拂萬瓦垂玉繩如堪
取縈結況余居低下本是蛙蚓窟邇來增號呼得以恣
唐突先夸屋舍好又恃頭角凸厚地雖直方身能徧穿
穴常參莊辯裏亦造揚玄末偃仰縱無機形容且相忽
低頭增歎訛到口復嗚咽沮洳漬琴書莓苔染巾襪解

衣換倉粟秭稗猶未脫飢鳥屢窺臨泥僮苦春帥音或

伐

聞秋稼穡大半沈澎汜耕父蠹齊民農夫思旱魃吾觀
天之意未必洪水割且要虐飛龍又圖滋跛鼈三吳明
太守左右皆儒哲有力即扶危懷仁過救暵鹿門皮夫
子氣調真俊逸截海上雲鷹橫空下霜鶻文壇如命將
可以持玉鉞不獨宸義軒便當城老佛顧余為山者所
得纔簣撮譬如飭箭材尚欠鏃與筈閒將飲兒唱強倚
帝子瑟幸得遠瀟湘不然嗤賈屈開緘窺寶肆璣貝光

比擲朗詠衝樂懸陶匏嚮鏗搗古來愁霖賦不是不清
越非君頓挫才沴氣難挫折馳情扣虛寂力盡無所掇
不足謝微音祇令凋鬢髮

奉酬襲美先輩初夏見寄次韻

積雨晦臯圃門前煙水平蘋蘩增遙吹枕席分餘清村
旆詫酒美賒來滿鏗程一作鏗未必減宣子何羨謝公榮

借宅去人遠敗牆連古城愁鳴占枯枿野鼠趨前楹昨
日雲破損晚林先覺晴幽篁倚微照碧粉含疎莖蠹簡

有遺字敕琴無泛聲蠶寒繭尚薄驚喜雖新成覽物正

搖思得君初夏行誠明復散誕化匠

一作化工

安能爭海浪

刷三島天風吹六英洪崖領玉節坐使虛音生吾祖傲

洛客因言幾為僮未裔寔漁者敢懷干墨卿唯思釣璜

老遂得持竿情何須乞鵝炙豈在斟羊羹畦蔬與甕醪

便可相攜迎蟠木几甚曲筍皮冠且輕閒心放羈勒醉

脚從歌傾一選有餘遠一窗有餘明秦皇苦不達天下

何足并

奉和襲美二遊詩

徐詩

嘗聞四書曰經史子集焉苟非天祿中此事無由全自
從秦火來歷代逢迤邐漢祖入關日蕭何為政年盡力
取圖籍遂持天下權中興熹平時教化還相宣立石刻
五經置于太學前賊莽亂王室君臣如轉圜洛陽且煨
燼載籍宜為煙逮晉武革命生民纔息肩惠懷亟寡昧
戎馬四郊纏已覺天地閉競為東南遷日既不暇給墳

索何由專爾後國脆弱人多尚虛玄任學者得謗清言

者為賢直至沈范輩

沈約范雲皆藏書數萬卷

始家藏簡編御府有

不足仍令就之傳梁元渚宮日盡取如蚍蜉兵威忽破

碎焚藝無遺篇近者隋後主搜羅勢駢闐寶函映玉軸

彩翠明霞鮮伊唐受命初載史聲連延砥柱不我助驚

波湧淪連遂令因去

一作往古

書半在餘浮泉貞觀購亡逸

蓬瀛漸周旋晃然東壁光與月爭流天偉矣開元中王

道真平平八萬五千卷一一皆塗鈐人間盛傳寫海內

奔窮研目云西齋書有過東臯田吾聞徐氏子奕世皆
才賢因知遺孫謀不在黃金錢挿架幾萬軸森森若戈
鋌風吹籤牌聲滿室鏗鏘然佳哉鹿門子好問如除瘡
候來參卿處遂得參卿憐開懷展櫺簾唯在性所便素
業已千仞今為峻雲巔雄才舊百派相近浮日一作
百川
君抱王佐圖縱步凌陶甄他時若報德誰在參卿先

任詩

吳之辟疆園在昔勝槩敵前聞富脩竹後說紛怪石

竟陵

子陸羽說月詩云辟疆
舊林閑怪石紛相向

風煙慘無主載祀將六百草色

與行人誰能問遺跡不知清景在盡付任君宅却是五
湖光偷來傍簷隙出門向城路車馬聲躑躅入門望亭
隈水木氣岑寂隼牆繞曲岸勢似行無極十步一危梁
乍疑當絕壁池容澹而古樹意蒼然僻魚驚尾半紅鳥
下衣全碧斜來島嶼隱恍若瀟湘隔雨靜挂殘絲煙消
有餘脉竭來任公子擺落名利役雖將祿代耕頗愛巾
隨策秋籠支遁鶴夜榻戴顓客說史足為師譚禪差作

伯君多鹿門思到此情便適偶蔭挂堪帷縱吟苔可席
顧余真任誕雅遂中心獲但喜醉還醒豈知玄尚白甘
閒在雞口不貴封龍額即此自怡神何勞謝公屐

次追和清遠道士詩韻

一代先後賢聲容劇河漢况茲邁古士復歷蒼崖竄辰
經幾十萬邈與靈壽翫海嶽尚推移都鄙固蕪漫羸僧
下高閣獨鳥沒遠岸嘯初風雨來吟餘鐘唄亂如何鍊
精魄萬祀忽欲半寧為斷臂憂肯作秋柏散吾聞艷宮

金定四庫全書
卷一
內日月自昏旦左右脩文郎縱橫灑篇翰斯人久冥漠
得不垂慨歎庶或有神交相從重興讚

補沈恭子詩

并序

案清遠道士詩題中有沈恭子同遊既為神怪之傳
得非姓沈謚為恭子乎

一作若

趙宣子韓獻子之類耶

恭子美謚也而詩中有風流詞翰之稱豈獨唱而不
和者歟疑闕其文以為恭子之恨乃作一章存于編
中亦補亡之義也

靈質貫軒昊遐年越商周自然失遠裔安得怨寡儔我
亦小國屑易名慙見優雖非放曠懷雅奉逍遙遊攜手
桂枝下屬詞山之幽風雨一以過林麓颯然秋落日倚
石壁天寒登古丘荒泉已無夕敗葉翳不流亂翠缺月
隱衰紅清露愁覽物性未逸反為情所囚異才偶絕境
佳藻窮冥搜虛傾寂寞音敢作雜珮紉

甫里集卷一

欽定四庫全書

甫里集卷二

唐 陸龜蒙 撰

五言古詩

讀陰符經寄鹿門子

清晨整冠坐朗詠三百言
備識天地意獻詞犯乾坤
何事不隱德降靈生軒轅
口銜造化斧鑿破機關
門五賊忽迸逸萬物爭崩奔
虛施神仙要莫救華池源
但學

戰勝術相高甲兵屯龍蛇競起陸鬪血浮中原成湯與

周武反覆更為尊下及秦漢得

一作傳

黷弄兵亦煩姦強

自林據仁弱無技蹲狂喉恣吞噬逆翼爭飛翻家家伺

天發不肯匡淫昏生民墜塗炭比屋為冤魂祇為讀此

書大樸難久存微臣與軒轅亦是萬世孫未能窮意義

豈敢求瑕痕曾亦愛兩句可與賢達論生者死之根死

者生之根方寸了十字萬化皆胚臍身外更何事眼前

徒自喧黃河但東注不見歸崑崙晝短苦夜永勸君傾

一樽

奉和初夏遊楞伽精舍次韻

吳都涵汀洲，碧液浸郡郭。
微雨蕩春醉，上下清廓。
竒蹤欲探討，靈物先療瘼。
飄然蘭葉舟，旋倚煙霞泊。
吟譚亂篙舻，夢寐雜巖嶠。
纖情不可逃，洪筆難暫閤。
豈知

楞伽會

一作舍

乃在山水箔，金仙著書日。
世界名極樂，蔭

蔔冠諸香琉璃代，華璽禽言經不輟。
象口川寧涸，萬善峻為城。
巉巖扞群惡，清晨欲登造。
安得無自愕，險穴駭

坤牢高蘿挂天索池容澹相向蛟怪如可摸苔蔽石髓

根蒲差水心鏐嵐侵苔

一作達

摩髻日照狻猊絡回首乍

眩旋迴眸更輝燿簷端凝

去

飛羽磴外浮碧落到迴解

風襟臨幽濯雲屨塵機性非便靜境心所著自取海鷗

知何煩尸祝酢峯圍震澤岸翠浪舞綃幕歛灩宣堯遭

巖嶂非禹鑿潛聽鐘梵處別有松桂壑雷重燈不光泉

寒網猶薄僮能躡孤利鳥慣親披鐸服道身可遺乞閑

心已諾人間亦何事萬態相毒蟲戰壘競高深儒衣謾

哀博宣尼名位達未必春秋作管氏包霸圖須人解其
縛伊余採樵者蓬藿方索漠近得風雅情聊將聖賢度
多君富道采識度兩清恪詎罷生滅詞肯教夷夏錯未
為堯舜用且向煙霞託我亦擺塵埃他年附鴻鶴

奉和公齋四詠次韻

小松

擢秀逋客巖遺根飛鳥逕因求飾清閥遂得辭危負貞
同柏有心立若珠無脰枝形短未怪鬣數差難定

名山記云

松有兩鬣三鬣七鬣者言如馬鬣形也言粒者非

况密三天風方導四時柄那

興培樓歎免咎鄰里病微霜靜可分片月疎堪映奇當
虎頭筆韻叶通明性會拂陽烏曾掄材膺帝命

小桂

諷賦輕八植擅名方一枝才高不滿意更自寒山移宛
宛別雲態蒼蒼出塵姿煙歸助華杪雪點迎芳蕤青條
坐可結白日如奔螭諒無劉鶯翦憂即是蕭森時洛浦
雖有蔭騷人聊自怡終為濟川楫豈在論高卑

新竹

別塢破苔蘚嚴城樹軒楹恭聞稟璇璣化質離青冥

竹璣

璣玉精受氣于玄軒之宿

色可定雞頸實堪招鳳翎立窺五嶺秀坐

對三都屏晴月窈窕入曙煙霏微生昔者尚借宅況來
處賓庭金疊縱傾倒碧露還鮮醒若非抱苦節何以偶
惟馨徐觀穉龍出更賦錦苞零

鶴屏

時人重花屏獨即胎化狀叢毛練分彩疎節筇相望

公八

相鶴經云大毛落叢毛生其色如雪又云高脚疎節則多跛也曾無氎氎態頗得連軒

樣勢擬搶高尋身猶在函丈如憂難驚鬪似憶煙霞向
塵世任縱橫霜襟自閒放空資明遠思不待浮邱相何
由振玉衣一舉棲瀛閬

奉和因贈至一百四十言

孔聖鑄顏事垂之千載餘其間王道乖化作荆榛墟天
必授賢哲為時攻翦除軻雄骨已朽百氏徒趨趨近者
韓文公首為閑闕鋤夫子又繼起陰霾終廓如搜得萬

古遺裁成十編書南山盛雲雨東序堆瓊琚偶此真籍
客悠揚兩情攄清詞忽窈窕雅韻何虛徐唱既野芳圻
訓還天籟疎輕波掠翡翠曉露披芙蓉儷曲信寡和末
流難嗣初空持一竿餌有意戲鯨魚

奉和太湖詩二十首

初入太湖

東南具區雄天水合為一高帆大弓滿羿射爭箭疾時
當暑雨後氣象仍鬱密不如開雕箴

音奴
籠也

聳翅忽飛出

行將十洲近坐覺八極溢耳目駭鴻濛精神寒信粟坑

來斗呀豁涌處驚差峯嶮異

一作險若

拔龍湫喧如破蛟室

斯須風安帖若受命平秩微茫識端倪遠嶠疑格

音閤筆

巉巉見銅闕

湖中穹崇山有銅闕

左右皆輔弼盤空儼相趨去勢

猶橫逸嘗聞咸池氣下注作清質至今涵赤霄尚且浴

白日

太湖上稟咸池五車之氣故一水五名也

又云構浮玉宛與崑閬匹肅

為靈官家此事難致詰

太湖乃仙家浮玉之北堂

纔迎沙嶼好指顧

俄已失山川互蔽虧魚鳥空聲

語彪反

兀

魚乙反

何當授真

檢得召天吳術一一問朝宗方應可譚悉

曉次神景宮

曉帆逗碕岸高步入神景灑灑襟袖清如臨藥珠屏雖
然群動息此地常寂靜翠鐏有寒鏘碧花無定影馮軒
羽人傲夾戶天獸猛稽首朝元君褰衣就虛省呀空雪
牙利嗽水石齒冷香母未垂嬰芝田不論頃遙通河漢
口近撫松桂頂飯薦亡白蔬杯醜九光杏人間附塵躅
固陋真鉗頸肯信抃鼇傾猶疑夏蟲永玄津蕩瓊壟紫

永帝金鼎盡出冰霜書期君一披省

入林屋洞

知名十小天林屋當第九

人間三十六洞天知名者十爾餘二十六天出九微志未

行於世題之為左神理之為天后

林屋洞為左神幽虛之天即天后真君之便闕

魁堆

一作

辟邪輩左右專備守自非方瞳人不敢窺洞

口唯君好奇士復嘯忘情友致

一作

傘在風林低冠入

雲竇中深劇苔井傍坎纔藥白石角忽支頤藤根時束
肘初為大幽怖漸見微明誘屹若造靈封森如達仙藪

嘗聞白芝秀狀與琅花偶又坐紫泉光甘如酌天酒

白芝

紫泉皆此洞所出乃神仙之飲餌非常人所能得

何人能挹嚼餌以代漿糗却

笑探五符徒勞步雙斗真君不可見焚盥空遲久眷戀玉碣文行行但回首

雨中遊包山精舍

包山信神仙主者上真職及棲鐘梵侶又是清涼域乃知煙霞地絕俗無不得巖開一逕分柏擁深殿黑僧閒若圖畫像古非雕刻海客施明珠湘糲料

平

淨食有魚

皆玉尾有烏盡金臆手攜鞞鐸佉

唐言楊枝

若在中印國千

峯殘雨過萬籟清且極此時空寂心可以遺智識知君

戰未勝尚倚功名力却下聽經徒

生公有聽經石

孤帆有行色

毛公壇

古有韓終道授之劉先生身如碧鳳皇羽翼披輕輕先
生盛驅役臣伏甲與丁勢可倒五嶽不唯鞭群靈飄飄
駕翔螭白日朝太清空遺古壇在稠疊煙蘿屏遠懷步
罡夕列宿森然明四角鎮露獸三層羞羽嬰迴眸盼七

炁運足馳疎星象外真既感區中道俄成邇來向千祀
雲嶠空崢嶸石上橘花落石根瑤草青時時白鹿下此
外無人行我訪岑寂境自言齋戒精如今君安死字君安
魂魄猶羶腥有笈皆綠字有芝皆紫莖相將望瀛島浩
蕩凌滄溟

三宿神景宮

靈蹤未徧尋不覺谿色暝迴頭問棲所稍下杉蘿逕巖
居更幽絕澗戶相隱映過此即神宮虛堂愜雲性四軒

盡疎達一榻何清淨去髮髯聞玉笙敲鏗動涼磬風凝
古松鬣露壓脩荷柄萬籟既無聲澄明但心聽希微辨
真語若受虛皇命尺宅按來平華池漱餘淨頻窺宿羽
麗三吸晨霞盛豈獨冷衣襟更堪遺造請徒深物外趣
未脫塵中病舉首謝靈峯徜徉事歸榜

以毛公泉獻大諫清河公

先生鍊飛精羽化成翩翻荒壇與古甃隱軫清冷存四
面甃山骨中心含月魂除非紫水脉即是金沙源香實

灑桂葉甘惟漬雲根向來探幽人酌罷祛蒙昏况公珪
璋質近處諍諍垣又聞虛靜姿早挂冰雪痕君對瑤華
味重獻蘭薰言當應滌煩暑朗詠翬飛軒我願得一掬
攀天叫重閭霏霏散為雨用以移焦原

縹緲峯

左右皆跳岑孤峯挺然起因思縹緲稱乃在虛無裏清
晨躋磴道便是孱顏一作頑始據石即更歌遇泉還徙倚

叱竒忽如薦樹曲渾成几樂靜煙靄知忘機猿狖喜頻

攀峻過斗末造平如砥舉首闕青冥迴眸脚下脉高帆

大於鳥廣墀

徒旦反

纔類蟻就此微茫中爭先未嘗已葛

洪話剛氣去地四千里苟能乘之遊止若道路耳吾將
自峯頂便可朝帝康盡欲活群生不唯私一已超騎明
月餘復弄華星藥却下蓬萊巔重窺清淺水身為大塊
客自號天隨子他日向華陽敲雲問名氏

桃花塢

行行問絕境貴與名相親空經桃花塢不見秦時人願

此為東風吹起枝上春願此作流水潛浮藥中塵願此
為好鳥得棲花際隣願此作幽蝶得隨花下賓朝為照
花日暮作涵花津試為探花士作此偷桃臣桃源不我
棄庶可全天真

明月灣

昔聞明月觀

在建業故臺城

祇傷荒野基今逢明月灣不值三

五時擇此二明月洞庭最看奇連山忽中斷遠樹分毫
釐周迴二十里一片澄風漪見說秋半夜淨無雲物欺

無之星斗藏獨有神仙期初聞鏘鏐跳

姚音

積漸調參差

空中卓羽衝波上傳龍螭縱舞玉煙節高歌碧霜詞清

光消不動萬象寒咿咿此會非俗致無由得旁窺但當

乘扁舟酒甕仍相隨或徹三弄笛或成數聯詩自然瑩

心骨何用神仙為

練瀆

一云吳王
開以練兵

越恃君子衆大將壓全吳

越有私卒
子六千人

吳將派天澤以

練舟師徒一鏡止千里支流忽然迂蒼奩束洪波坐似

馮夷驅戰艦百萬輩浮宮三十餘平川盛丁寧絕島分
儲胥鳳押半鶴膝錦杠雜肥胡香煙與殺氣浩浩隨風
驅彈射盡高鳥杯觥醉潛魚山靈恐見鞭水府愁為墟
兵利德日削反為讎國屠至今鉤鏃殘尚與泥沙俱照
此月倍苦來茲煙亦孤丁魂尚有淚合灑青楓枯

投龍潭

名山潭洞中自古多祕邃君將接神物聊用申祀事銘
金象牙角尺木無不備亦既奉真官因之徇前志持來

展明詰敬以投嘉瑞鱗光煥水容目色燒山翠吾皇病
秦漢豈獨探怪異所貴風雨時民皆受其賜良田為巨
浸污澤成赤地掌職一不行精靈又何寄唯貪血食飽
但據驪珠睡何必費黃金年年授星使

孤園寺

浮屠從西來事者極梁武巖幽與水曲結構無遺土窮
山林幹盡竭海珠幾聚況即侍從臣敢愛煙波塢幡條
玉龍扣殿角金虬舞釋子厭樓臺生人露風雨今來四

百載像設藏雲浦輕鷁亂馴鷗鳴鐘和朝觴庭蕉裂旗
旆野蔓差纓組石上解空人窗前聽經虎林虛葉如織
水淨沙堪數徧問得中天歸修釋迦譜

上真觀

嘗聞昇三清真有上中下官居乘佩服一一自相亞霄
裙或霞粲侍女忽玉蛇坐進金碧腴去馳飈歛駕今來
上真觀恍若心靈訝祗恐暫神遊又疑新羽化風餘撼
朱草雲破生瑤榭望極覺波平行虛信煙藉閒開飛龜

快靜倚宿鳳架俗狀既能遺塵冠聊以卸人間方大火
此境無朱夏松蓋蔭日車泉紳拖天罇窮幽不知倦復
息芝園舍鏘珮引涼姿焚香禮遙夜無情走聲利有志
依閒暇何處好迎僧希將石樓借

消夏灣

霞島焰難泊雲峯奇未收蕭條千里灣獨自清如秋古
岸過新雨高蘿蔭橫流遙風吹蒹葭折處鳴颼颼昔予
守圭竇過于回祿囚日為蘆笛徒

渠曲二音
簞之異名

分作祇稠

雖

低刀二音
並單衣

願狎寒水怪不封朱轂侯豈知煙浪涯坐

可思重裘健若數尺鯉泛然雙白鷗不識號火井孰問
名焦邱我真魚鳥家盡室營扁舟遺名復避世消夏還
消憂

包山祠

靜境林麓好古祠煙靄濃自非通靈才敢陟群仙峯百
里波浪沓中堂簫鼓重真君具瓊舉髣髴來相從清露
濯巢鳥陰雲生畫龍風飄橘柚香日動旂蓋容將命禮

且潔所祈年不凶終當以疏聞特用諸侯封

聖姑廟

渺渺洞庭水盈盈芳嶼神因知古佳麗不獨湘夫人流
蘇蕩遙吹斜領生輕塵蜀綵駁霞碎吳綃盤霧勻可憐
飛鷺姿合是乘鸞賓坐想煙雨夕兼知花草春空登油
壁車窈窕誰相親好贈玉條脫堪攜紫綸巾殷勤揆香
池重薦汀洲蘋明朝動蘭楫不翅星河津

太湖石

他山豈無石厥狀皆可薦端然遇良工坐使天質變或
裁基棟宇礪砢成廣殿或剖出溫瑜精光具華瑱或將
破仇敵百礮資苦戰或用鏡功名萬古如會面今之洞
庭者一以非此選搓牙真不材反作天下彥所竒者嵌
崿所尚者蔥蒨旁穿參洞穴內竅均環釧刻削九琳窗
玲瓏五明扇新雕碧霞段旋剖秋天片無力置池塘臨
風只流眇

崦裏

山橫路若絕轉櫟逢平川中水木幽高下蕪良田溝
塍墮微溜桑柘含疎煙處處倚蠶箔家家下漁筌駢犢
卧新筴野禽爭折蓮試招搔首翁共語殘陽邊今來九
州內未得皆恬然賊陣始吉語狂波又凶年吾翁欲何
道守此常安眠笑我掉頭去蘆中聞刺船余知隱地術
可以齊真仙終當從之游庶復全於天

石板

一片倒山屏何時隳洞門屹然空闊中萬古波濤痕我

意上帝命特來壓泉源恐為庚辰官囚怪力所掀又疑
廣衰次零落潛驚奔不然遭霹靂強半沉無垠如何造
化首便截秋雲根往事不足問竒蹤安可論吾今病煩
暑據簟常昏昏欲從石公乞

石板在石
公山前

瑩理平如瑤前

後植桂檜東西置琴樽盡攜天壤徒浩唱羲皇言

甫里集卷二

欽定四庫全書

甫里集卷三

唐 陸龜蒙 撰

五言古詩

和古杉三十韻

衆木盡相遺孤杉獨任奇
挿天形磈兀當殿勢敝危
恐是夸娥怒教臨截薛衰
節穿開耳目根癭坐熊羆
世只論榮落人誰問等衰

初危切

有巔從日上無葉與秋欺
虎

搏應難動鵬蹲不敢遲戰鋒新缺
麟燒岸黑黥鯨闔死
龍骸雜爭奔鹿角差股銷洪水
腦稜聳梵天眉磔索珊
瑚湧森嚴獬豸窺向空分犂指
衝浪出鯨鬣揚僕船撞
在蚩尤陣轟隳下連金粟固高
用鐵菱披挺若符堅楮
浮于祖納椎崢嶸驚露鶴趣趣
闕雲螭傍宇將支壓撐
霄欲抵臆背交蟲臂掎相向鵬
拳追格音各筆差初加反猶
立階干卓未麾鬼神應暗畫風
雨恐潛移已覺寒松伏
偏宜后土疲好邀清嘯傲堪映
古茅茨材大應容竭年

深必孕夔後凋依佛氏初植必僧彌

寺即東晉王家別墅僧彌王珉小字

擁腫煩莊辯槎牙費庾詞詠多靈府困搜苦化權卑類
既區中寡朋當物外推蟠桃標日域珠草侍仙墀真宰
誠求夢春工幸可醫若能噓嚙竹猶足動華滋

和新秋三十韻

身閒唯愛靜籬外是荒郊地僻憐同巷庭喧厭累巢岸
聲搖舴艋窗影辨蠨蛸逕祗溪禽下闌唯野客敲竹岡
從古凸池緣本來齟齬早藕擎霜節涼花東紫梢漁情隨

鍾網獵興起鳴髀好夢經年說名方着處抄木疎唯自
補技癢欲誰搔窗靜常懸籬鞭閑不正鞞山衣輕斧藻
天籟逸弦匏蕙展風前帶桃烘雨後膠蘚乾粘晚砌煙
濕動農庖沈約便圖籍揚雄重酒肴目曾窺絕洞耳不
犯征鐃歷外窮飛翔著中記伏又石林空寂歷雲肆肯
曉譏松桂何妨蠹龜龍亦任嘲未能丹作髓誰相紫為
胞莫把榮枯異但平和大小包由弓猿不捷梁園虎忘
號舊友懷三益關山阻二嶠道隨書簾古時共釣輪拋

好作忘機士，須為莫逆交。
看君馳諫草，憐我卧衡茅。
出處雖冥默，薰蕕肯溷清。
岸沙從鶴印，崖蜜勸人操。
白菌盈枯枿，黃精綠滿梢。
仙因隱居信，禪是淨名教。
勿謂江湖水，終浮一大泡。

奉和江南書情二十韻寄秘閣韋校書貽之商
洛宋先輩垂文二同年次韻

我志如魚樂，君詞稱鳳銜。
暫來從露冕，何事買雲巖。
水石應容病，松篁未聽譏。
鑪香杉蠹膩，山信藥苗緘。
愛鷺

金分四八
卷三
敬危立思猿矍鑠
謝才偏許朶阮放
最憐咸大樂寧
忘缶竒工肯顧
臧客愁迷舊隱
鷹健想秋兔
硯缺猶慵
琢文繁却要
艾雨餘幽沼
淨霞散遠峯
峴洗筆煙成段
培花土作
欵訪僧還
寬伴醫鶴
自須監荒廟
猶懷李清
灘幾夢嚴
背風開蠹
簡衝浪試
新帆悶憶
年支酒間
裁古樣衫
釣家隨野
舫仙蘊逐
雕函度歲
賒羸馬先
春買小
蟻共疏泉
入竹同坐
月過杉染
翰窮高致
懷賢發至
誠不堪
潘子鬢愁
促易彭彭

和憶洞庭觀步十韻次韻

聞君遊靜境雅具更撸撸竹傘遮雲逕藤鞋踏蘚缸杖
斑花不一搏大癭成雙水鳥行沙嶼山僧禮石幢已甘
三秀味誰念百牢腔遠棹投何處殘陽到幾牕仙謠珠
樹曲村餉白醅缸地里方吳會人風似冉厖探幽非遜
世尋勝肯迷邦為讀江南傳何賢過二龐

和諫議罷郡叙懷六韻

已報東吳政初捐左契歸天應酬苦節人不犯寒威江

上思重借朝端望，載飢紫泥封夜詔。金殿賜春衣對酒，
情何遠哉！詩思極微，待升鎔造日，江海問漁扉。

雜諷九首

紅蠶綠枯桑，青繭大如甕。人爭捩

力結力計二切

其臂，羿矢亦

不中。微微待賢祿，一一希入夢。縱操上古言，口噤難即
貢。蛟龍在怒水，拔取牙角弄丹穴。如可游家家，畜孤鳳
凶門尚兒戲，戰血波瀾溶。社鬼苟有靈，誰能遏秋慟。

又

童麋來觸犀德力不相及伊無愜心事祇有碎首泣况
將鵬蟲校數又百與十攻如餓鴟呌勢若脫兔急斯為
朽闕鍵怒犖挾以八年來橫干戈未見拔城邑得非左
養者齒齒待啜汁羈維豪傑輩四駭方少繫此皆乘時
利縱舍在呼吸吾欲斧其吭無雷動幽蟄

又

鵝鵝慘于冰陸立懷所適斯人道仍悶不得不鳴呢當
時布衣士亦作天子客至今東方生滿口自誇白終為

萬乘交談笑無所隔致君非有書乃是堯舜畫祗今侯
門峻日掃貧賤迹朝趨九韶音暮列五鼎食如聞恭儉
語蹇蹇事夕惕可拍伊牧肩功名被金石

又

赤舌可燒城讒邪易為伍詩人病之甚敢俾投豺虎長
風吹竅木始有音韻吐無木亦無風笙簧由喜怒女媧
鍊五石天缺猶可補當其利口銜罅漏不復數元精遺
萬類雙目如牖戶非是既相參重瞳亦為瞽

又

東南有狂兇獵者西北矢利塵日冥冥獨此清夜止無人語其事偶坐窺天紀安得東壁明洪洪用墳史搜揚好古士一以罄雲水流堪灑菁英風足去稗秕如能出奇計坐可平賊壘徐陳義皇道高駕太平軌攬疏成特雄濯垢為具美貢賢當上賞景福視所履永播南薰音垂之萬年耳

又

有藥何青青空城雪霜裏千林盡枯槁苦節獨不死他
遭匠石顧總入犧黃美遂得保天年私心未為恥高徒
宿臬怪下亦容螻蟻大厦若掄材亭亭託君子

又

左右佩劍者彼此亦相笑趨時與閉門喧寂不同調潛
機取聲利自許臻乎妙志士以神窺慚寂真可弔天之
發遐籟大小隨萬竅魁其鑪冶姿形質惟所召鼗笙磬
竿瑟是以登清廟伊聖不吾欺誰能守蓬藿

又

橫笛鳴秋風清商入疏越君居不夜城肯怨孤戍月吳

兵甚犀利太白光突兀日已費千金廬一作僅聞侵一塹

豈無惡年少縱酒遊俠窟募為敢死軍去以梟叛卒豈

無中林士貫穿學問骨兵法五十家浩蕩如溟渤高懸

鹿皮腫清潤時依越分已諾煙霞全遺事干謁既非格

猛獸未可輕華髮北面師其謀幾能止征伐何妨秦董

勇又有曹劇說堯舜尚狗芻公乎聽無忽

又

朝為壯士歌暮為壯士歌壯士心獨苦傍人謂之何古
鐵久不快倚天無處磨將來易水上猶足生寒波捷可
搏飛狄健能超索馳羣兒被堅利索手安馮河驚颺掃
長林直木謝檣科嚴霜凍大澤僵龍不如蛇昔者天血
碧吾徒安歎嗟

美人

美人抱瑤瑟哀怨彈別鶴雌雄南北飛一旦異栖託諒

非金石性安得宛如昨生為並蒂花亦有先後落秋林
對斜日光景自相薄猶欲悟君心朝朝佩蘭若

感事

將軍被鮫函祇畏金矢鏃豈知讒箭利一中成赤族古
來信簧舌巧韻淒鏘曲君聞悅耳音盡日聽不足初因起
毫髮漸可離骨肉所以達賢心求人須任目

素絲

園客麗獨繭詩人吟五綬如何墨子淚反以悲途窮我

意宜如是願參天地功為綫補君袞為絃繫君桐左右
修闕職宮商還古風端然潔白心可與神明通

次幽獨君韻

落日送萬古秋聲含七哀枯株不蕭瑟枝幹虛崔嵬伊
背臨大道歌鐘醉高臺高臺今已平祇有春風迴明月
白草死積陰荒壠摧聖賢亦如此慟絕真悠哉

贈遠

茱萸匣中鏡欲照心還懶本是細腰人別來羅帶緩從

君出門後不奏雲和管妾思冷如簧時時望君暖心期
夢中見路永魂夢短怨作泣西風秋窗月華滿

江墅言懷

病身兼稚子田舍劣相容跡共公卿絕貧須稼穡供月
方行到閨霜始近來濃樹少棲禽雜村孤守犬重汀洲
藏晚弋籬落露寒春野并畝還整家書拆又封杉篁宜
夕照牕戶憶疎鐘南北唯聞戰縱橫未勝農大春雖苦
學叔夜本多慵直使貂裘敝猶堪過一冬

自和

命既時相背才非世所容著書糧易絕多病藥難供夢
為懷山數愁因忌酒濃烏媒呈不一魚寨下仍重晚拊
簑兼褐晴簷織帶春著籤分水味標石認田封此地家
三戶何人祿萬鍾草堂聊當貴金穴任輕農把釣竿初
冷題詩筆未慵莫憂寒事晚江上少嚴冬

村夜

江上冬日短徘徊草堂牕鴻當絕塞來客向孤村病縣

絲起歸念咽興微詠菊徑月方高橘齋霜已併盤食
蔬粟粗史籍籤牌盛目冷松桂間耳喧兒女競開瓶浮
蟻綠試筆秋毫勁畫戶亦重闌寒屏遞相映詩從騷雅
得字費鉛黃正遇敵舞蛇矛逢談捉犀柄無名升甲乙
有志扶荀孟守道希昔賢為文通古聖幽憂廢長劍顚
顛慙清鏡祇會魚鳥情詎知時俗性浮虛多狗彘老懶
徒歷聘既不務人知空餘樂天命如何在田野家事苦
遼夏耕稼一以微困倉自然罄愁襟風葉亂獨坐燈花

迸明發成浩歌誰能少傾聽

又

世既賤文章歸來事耕稼伊人著農道

元倉子有農道篇

我亦

賦田舍所悲勞者苦敢用辭為詫祇效芻牧言誰防輕
薄罵嘻今居寵祿各自矜雄霸堂上考華鐘門前竚高
駕纖洪動絲竹水陸供鱸炙小雨靜樓臺微風動蘭麝
吹噓川可倒盼睖花爭姘萬戶膏血窮一筵歌舞價安
知勤播植卒歲無閒暇種以春鴈

音

初穫從秋隼下專

專望種穰捐條桑拓日晏腹未充霜繁體猶裸平生
守仁義所疾唯狙詐上誦周孔書沈湎至酣藉宜無致
君術堯舜馳一作不上下豈無活國方頗牧齊教化蛟龍
任乾死雲雨終不借羿臂束如囚徒勞誇善射才能誚
箕斗辯可移嵩華若與眚輩量飢寒殆相亞長吟倚清
瑟孤憤生遙夜自古有遺賢吾容偏稱謝

紀事

蜀本作二首

本作漁釣徒心將遂疎放苦為飢寒累未得恣閒暢去

年十二月身住雪溪上病裏賀豐登雞豚聊饋餉巍我
卞山雪凝冽不可向瘦骨倍加寒徒為厚繒續晴來露
青靄千仞缺尋丈卧恐玉華銷時時推枕望雖然榮衛
困亦覺精神王把筆強題詩粗言瓌怪狀吳興鄭太守
文律頗清壯鳳尾與鯨牙紛玃落新唱緘書寄城內唐
突無以況料峭採蓮船縱橫簸天浪方傾謝公詠忽值
莊生喪鄭員外仁規是年受代俄喪偶默默阻徽音臨風但惆悵春歸
殆秋末固自嬰微恙歲晏一作早弗躬親何由免欺誑今

來觀刈穫乃在松江並

步浪切

門外兩潮過波瀾光蕩漾

都緣新卜築是事皆草創爾後如有年還應愜微

一作收

尚天高氣候爽野迴襟懷曠感物動牢愁憤時頻翫

口浪

切

子朗切

平生樂篇翰至老安敢忘駿骨正牽鹽玄文

終覆醬嗟今多赤舌見善唯蔽謗忖度大為防涵容寬

作量圖書筐篋外闕服皆賸長餓隸亦勝無薄田家所

仰稍離飢寒患學古真可強聖道庶經營世途多踉蹌

近聞天子詔復許私醞釀趨

促

使奉酒材呼兒具盆盎

宵長擁吟褐日晏開書幌我醉卿可還陶然似元亮

孤鴈

我生天地間獨作南賓鴈哀鳴慕前侶不免飲啄晏雖
蒙小雅詠未脫魚網患矧是婚禮須憂為弋者慕膺鵠
爭上下意氣苦淩慢吾常嚇鴛鴦爾輩何足訕迴頭語
晴鳬汝食腐鼠慣無異鴛鴦羣戀短豆阜棧豈知瀟湘
岸葭菼蘋萍間有石形狀奇寒流古來灣閒看麋鹿志
了不愛芻豢世所重巾冠何妨野夫壯騷人誇蕙芷易

象取陸菟漆園逍遙篇中亦載斥鴳汝惟才性下嗜好
不可諫身雖慕高翔糞壤長流盼或聞通鬼魅怪崇立
可辨若族書尚存寧容恣妖幻
若族周禮秋官司冠下
若族氏掌覆天鳥之巢
若鄭司農讀為趙又他歷反
族讀為爵族之族謂巢也

南涇漁父 一作南溪

予方任疎慵地僻即所好江流背村落偶往心已嫪

力報

切田家相去遠岑寂且縱傲出戶手先筇見人頭未帽

南涇有漁父往往攜稚造問其所以漁對我真蹈道吾

初籍魚鼈童州至于耄窟穴與生成自然通壺奧孜孜
戒吾屬天物不可暴大小參去留候其孳養報終朝獲
漁利魚亦未嘗耗同覆天地中違仁辜覆燾余觀為政
者此意諒難到民皆死搜求莫肯與愍悼今年川澤旱
前歲山源潦牒訴已盈庭聞之類禽噪譬如秦雞鷺豈
不容乳抱孟子譏宋人非其握苗躁吾嘉漁父古雅叶
賢哲操倘遇採詩官斯文誠敢告

引泉

陸州龍興觀
老君院作

上嗣位六載吾宗刺桐川余來拜旌戟詔下之明年是
時春三月繞郭花蟬聯嵐盤百萬髻上插黃金鈿授以
道士館置榻于東偏滿院聲碧樹空堂形老仙本性樂
凝澹及來更虛玄焚香禮真像盥手披靈編新定山角
角烏龍獨巉然除非淨睛目不見蒼崖巔上有擎雲峰
下有噴壑泉泉分數十汊落處皆崢嶸潺湲聲入爛醉脍
破西牕眠支筇起獨尋祇在牆東邊呼童具畚鍤立鑿
莓苔穿濛濛一派墮練帶橫斜牽亂石拋落落寒流響

濺濺狂奴七里瀨縮到疎楹前跳花潑半散涌沫飛旋
圓勢束三峽掛瀉危孤磴懸曾聞瑤池溜亦灌朱草田
鳬伯弄翠藥鸞雛舞丹煙凌風挾桂拖隅霞馳犀船況
當玄元家嘗著道德篇上善可比水斯文參五千精靈若
在此肯惡微波傳不擬爭滴漉還應會淪漣出門後一作
復飛箭合勢浮青天必有學真子鹿冠秋鶴顏如能輔
余志日使疏其源

秋日遣懷十六韻寄道侶

盡日臨風坐雄詞妙畧兼共知時世薄寧恨歲華淹且
把靈方試休憑吉夢占夜燃燒汞火朝鍊洗金鹽有路
求真隱無媒舉孝廉自然成嘯傲不是學沈潛水恨同
心隔霜愁兩鬢雪鶴屏憐掩扇烏帽愛垂簷雅調宜觀
樂清才稱典籤冠敝玄髮少書健紫毫尖故疾因秋召
塵容畏日黔壯圖須行行儒服謾襜褕片石聊當枕橫
煙欲代簾幮根延穴蟻疎葉漏庭蟾藥鼎高低鑄雲庵
早晚苦胡麻如重寄從謂我無厭



甫里集卷三

欽定四庫全書

集部

甫里集卷

四至
七

詳校官國子監司業臣納麟寶

檢討臣何思鈞覆勘

總校官庶吉士臣倉聖脉

校對官助教臣羅萬選

謄錄監生臣羅善慶

欽定四庫全書

甫里集卷四

五言古詩

紀夢游甘露寺

寺在京口北固山上

昔卧嵩高雲雲窗正寒夕披裘忽生夢似到空王宅
我天一峯立欄楯橫半壁級倚綠巔差闕臨赤霄闢捫虛
陟孤峭不翅千餘尺疊掌望杳思分明袒肩釋凌香稽

唐 陸龜蒙 撰

首罷嘹唳餘韻啼高戶承北風聲號太波白光中目難
送定驗方可靚樹細鴻濛烟島疎零落碧須臾羣籟入
空水相噴激積浪亞寒堆呀如闢危石跳音簇鞞鼓濺
沫交矛戟鳥疾帆亦奔紛紛助勅敵思非水靈怒即是
飢龍擘怯懾不敢前荷襟汗霑霖迴經定僧處泉水光
相射巖嶺雲族栖松柯露華滴逍遙得真趣邈迤尋常
跡山腹貯孤亭嵐根四垂帟誰題雪月句乃是曹劉格
愛樹亭有故閭闕一枝瓊邊樓數聲笛吟高巖然起若
太尉房公詩

自蒼旻擲短燭墮餘花圓蟬掛斜魄自從神錫境無處不
登陟忽上南徐山心期豁而獲豈伊煩惱骨合到清涼
域暗得蝴蝶身幽竒盡相識奈何有名氏未列金閨籍
翻慙卍頂童得奉真如策雲濤觸風望毫管和烟搦聊
紀夢中遊留之問禪客

京口與友生話別

共是悲秋客相逢恨不堪鴈頻辭薊北人尚在江南名
利機初發樵漁事先諳松門穿戴寺荷徑繞秦潭

秦潭
始皇

所開繩檢真難束疎慵却易耽枕當高樹穩茶試遠泉甘
架上經唯一樽前雅祇三風雲勞夢想天地入醺酣歷
自堯階數書因禹穴探御龍雖世祿下馬亦清譚國計
徒盈策家儲不滿甌斷簾從燕出啟弁倩人簪木墜涼
來葉山橫霽後嵐竹窗深窈窕苔洞綠龕奔積行依顏
子和光則老聃杖誠為虎節披信作鮫函養鷺看窺沼
尋僧助結庵功名思馬援歌唱咽羊曇乞食羞孤鳳無
衣羨八蠶繫帆留宿客吟句任羸驂寵鶴空無衛占烏未

見鄆香還須是桂青會出於藍蜀酒時傾蒲口反吳

從蜀呼

鰕徧發柑

反苦甘

玉封千挺藕霜閑一筒柑惜珮終邀禍

辭環好激貪宗溟雖明澮成厦必梗枿碧石雕琴薦黃
金飾劒鐔煙綠沙砌引水為藥畦擔博物君能繼多才
我尚慙別離猶得在秋鬢未鬢鬢

丹陽道中寄友生

煙樹綠微微春流浸竹扉短蓑攜稚去孤艇載魚歸海俗
蘆編室村娃練束衣舊栽奴橘老新刈女桑肥錦鯉衝

金少卿集卷四
風擲絲禽掠浪飛，短亭幽徑入陳廟。
數峰圍地廢金牛，暗陵荒石獸稀。
思君同一望帆上，怨餘暉。

寄茅山何道士

終身持玉舄，丹訣未應傳。
況是曾同宿，相違便隔年。
問顏知更少，聽話想踰玄。
古籙文垂露，新金汞絕烟。
蜂供和餌蜜，人寄買溪錢。
紫燕長巢碣，青龜忽上蓮。
篋藏微隱詔，囊佩攝生篇。
圃暖芝臺秀，巖春乳管圓。
池栖子孫鶴，堂宿弟兄仙。
幸閱靈書次，心期賜一編。

江南秋懷寄華陽山人

櫛髮涼天曙含毫故國情歸心一夜極病體九秋輕忽
起襜褕詠因悲絡緯鳴逢山即堪隱何路可圖榮揲策
空占命持竿不釣名忘憂如有待縱嬾似無營小徑纔
分草斜扉劣辨荆冷荷承露葍疎菊卧烟莖譜為聽琴
閒圖緣看海澄鷺毛浮島白魚尾撇波頰庭橘低攀嗅
園葵旋折烹餓鳥窺食案鬬鼠落書棚種豆悲楊惲投
瓜憶衛旌東林誰處士南郭自先生分野星多蹇連山

卦少亨衣裾徒博大文籍漫縱橫蘭葉騷人珮萼絲內
史羹鵲冠難適越羊酪未饒倉倚嘯微抽恨論玄好折
醒栖遲勞鼓篋豪俠愛金羸鍊藥傳丹鼎嘗茶試石甌
沼連枯葦暗牕對脫梧明未達譏張翰非才嫉禰衡遠
懷魂易黯幽憤骨堪驚礪缺知矛利磨瑕見璧瑛道源
疏滴瀝儒肆售精誠敢歎良時擲猶勝亂世櫻相秦猶
幾死王漢尚當黥飲啄期應定窮通勢莫爭髡為皂
隸譚笑得公卿浴日安知量追風不計程塵埃張耳分

肝膽季心傾諭蜀專操檄通甌獨請纓匹夫能曲踊萬
騎可橫行許國輕妻子防邊重戰耕俄分上尊酒驟厭
五侯鯖靜默供三語從容等一枰弘深司馬法雄傑貳
師兵朔雪埋烽燧寒笳裂旆旌乘時收句注即日掃攬
槍武昔威殊俗文今被八紘琮璜陳始畢韶夏教初成
芽孽羣妖滅松筠百度貞郎官青瑣拜使者繡衣迎帝
道將雲闕澆波漸砥平學徒羞說霸佳士耻為吟負杖
歌栖畝操觚賦北征才當曹斗怯書比惠車盈謝氏憐兒

女郝家貴舅甥唯荒稚珪宅莫贈景山鎗賢彥風流遠
江湖思緒縈謳啞搖舴艋出沒漾鵝鵲晚樹參差碧奇
峰邈迤晴水喧攄紫茱村響哢香杭荷笠漁翁古穿籬
守犬獐公衫白紵卷田餉綠筍擎地與膏腴錯人多富
壽并相懽時帖泰獨坐歲崢嶸唧嘖蛩吟壁連軒鶴舞
楹戍風飄疊鼓隣月動哀箏未得文章力何由俸祿清
和鉛還搢搢持斧自丁丁驚懼疑凋朽功勤過屑瓊凝
神披夕秀盡力取朝英蠹簡開塵篋寒燈立曉檠靜翻

詞客系閒難史官評天地寧舒慘山川自變更祇能分
距惠誰解等殤彭項豈重瞳聖夔猶一足雙阮高酣麴
蘖莊達謝犧牲齟舌無勞話寬心豈可盛但從鑪冶鍛
莫受罽羅嬰硯撥萍根洗舟衝蓼穗撐短牀編翠竹低
几凭紅捏霜信催楊柳烟容裊杜衡桁排巢燕燕屏畫
醉猩猩嬾檜推嵐影飛泉撼玉琤艣尋遠近握槊鬪
輸贏技壓誰披瓠簷垂礪磊橙忘情及宗柄抱疾過劉
楨野饋夸菰飯江商賈蔗錫送神抱瓦缶留客上瓷觥

舉機揮青劍鳴榔扣遠鉦鳥行沈莽蒼魚隊破泓澄手

戟非吾事腰鎌且發硎

音坑

諒難求標標

上聲

聊欲取錚錚

幾歎蟲甘蓼還思鹿美苹愁長難自剪歌斷有誰賡未

去師黃石空能說白珩性湍休激浪言芳罷抽萌地僻

琴鐻獨溪寒杖屨清物齊消臆對戈倒共心盟絲曳靈

妃瑟金涵太子笙幽棲膠竹塢仙慮驛蓬瀛想像珠襦

鳳追飛翠藥鶯霧簾深杳悄雲磬冷敲鐙錄字多階品

華陽足弟兄焚香凝一室盡日思曾城匿景崦崦色呀空

渤澥聲吾當營巨黍東去射長鯨

送宣武從事越中按獄

曉看呈使範知欲敕星軺水國難驅傳山城便倚撓秉
籌先獨立持法稱高標旌旆臨危堞金絲發麗譙別愁
當翠嶽冤望隔風潮木落孤帆迴江寒疊鼓飄客鴻吳
島盡殘雪剡汀消坐想休秦獄春應到柳條

七言排律

寄懷華陽道士

華陽門外五芝生
食罷愁君入杳冥
遙夜獨栖還有夢
昔年相見便忘形
為分科斗親鉛槧
與說蜉蝣坐竹櫺
醺後幾時歸紫閣
別來終日誦黃庭
閒教辨藥僮名甲
靜識窺巢鶴姓丁
絕澗飲羊春水膩
傍林燒石野煙腥
深沈谷響含疎磬
片段嵐光落畫屏
休採古書探禹穴
自刊新歷闢堯蓂
珠宮鳳合迎蕭史
玉籍人誰訪蔡經
架上黑椽長褐穩
案頭丹篆小符靈
霓軒入洞齊初月
羽節升壇拜七星
當路獨行衝虎豹
向風孤嘯起雷霆

疑神密室多生白
叙事聯編盡殺青
匝地山川皆暗寫
隱天竿籟祇閒聽
分張火力燒金竈
拂拭苔痕洗酒鉶
翠壁上吟朝復暮
暖雲邊卧醉還醒
倚身長短裁筇杖
倩客高低結草亭
直用森嚴朝北帝
爰將清淺問東溟
常思近圃看栽杏
擬借隣峰伴采苓
揜樹半扉晴靄靄
背琴殘燭曉熒熒
舊來捫虱知王猛
欲去為龍歎管寧
蟾蜍幾應臨蕙帳
漁竿猶尚枕楓汀
銜煙細草無端綠
冒雨閑花作意馨
掠岸驚波沈翡翠
入簷斜照礙蜻蜓

初征漢棧宜飛檄待破燕山好勒銘六轡未收千里馬一
囊空負九秋螢我悲雌伏真方枘他騁雄材似建瓴合在
深崖齊散木自求滄海點流萍頻拋俗物心還爽遠憶
幽期目剩暝見買扁舟東真誥手披仙語任揚舲

甫里集卷四

欽定四庫全書

甫里集卷五

唐 陸龜蒙 撰

五言律詩

螢

肖翹雖振羽戚促盡疑冰
風助流還急烟遮點暫凝
不須輕列宿纔可擬孤燈
莫倚隋家事曾煩下詔徵

蟬

祇憑風作使全仰柳為都一腹清何甚雙翎薄更無伴
韶金換酒并雀畫成圖恐是千年恨偏令落日呼

秋熱

自昔秋捐扇今來意未衰殷勤付柔握淅瀝待清吹午
氣朱崖近宵聲白羽隨總如南國候無復婕妤悲

村中晚望

抱杖柴門立江村日易斜鴈寒猶憶侶人病更離家短
鬢看成雪雙眸舊有花何須萬里外即此是天涯

漁具并序

天隨子獻于海山之顏有年矣。矢漁之具莫不窮極其趣。大凡結繩持網者，總謂之網罟。網罟之流曰笮。

曰罾。曰罾。

側交反

圓而縱捨曰罩。挾而昇降曰罟。

減女

反。縉而竿者，總謂之筌。筌之流曰筒。曰車。橫川曰

梁。承虛曰筍。編而沈之曰簞。

音卑

矛而卓之曰楫。

音冊

也。棘而中之曰叉。鏃而綸之曰射扣。而騃之曰狼

以薄板置瓦器上擊之以驅魚。

置而守之曰神。

鯉魚滿三百六十歲蛟龍輒率而飛

去年置一神守之則
不能去矣神鼈也

列竹于海澨曰澨

吳之澨濱是也

錯薪

于水中曰蓐

蓐

所載之舟曰舳舻所貯之器曰簠簋

其他或術以招之或藥而盡之皆出于詩書雜傳及
今之聞見可考而驗之不誣也今擇其任詠者作十
五題以諷噫矢魚之具也如此余既歌之矣矢民之
具也如彼誰其嗣之鹿門子有高麗之才必為我同
作

網

大罟網目繁空江波浪黑沈沈到波底恰共波同色牽
時萬鬢入已有千鈞力尚悔不橫流恐他人更得

罩

左手揭圓甌輕撓弄舟子不知潛鱗處但去籠烟水時

穿紫屏

一作
萍

破忽值朱衣起

松江有
朱衣鮒

貴得不貴名敢論

魴與鯉

呂

有意烹小鮮乘流駐孤棹雖然煩取捨未肯求津要多

為蝦蟆誤已分鵝鵲笑寄語龍伯人荒唐不同調

釣筒

短短截釣光悠悠卧江色蓬差艣相應雨慢煙交織須
史中芳餌迅疾如飛翼彼竭我還浮君看不爭得

釣車

溪上時雙輪溪邊指茅屋閑乘風水便敢議朱丹轂高
多倚衡懼下有折軸速曷若載逍遙歸來卧雲族

魚梁

能編似雲薄橫絕青川口缺處欲隨波波中先置筍投
身入籠檻自古難飛走盡日水濱吟殷勤謝漁叟

叉魚

春溪正含綠良夜才參半持矛若羽輕列燭如星爛傷
鱗跳密藻碎首沉遙岸盡簇染東流傍人作佳翫

射魚

彎弓注碧潏掉尾行涼止青楓下晚照正在澄明裏抨
弦斷荷扇濺血殷菱蘂若使禽荒聞移之暴煙水

鳴榔

水濺藻荇澁釣罩無所及鏗如木鐸音勢若金鉦急敲
之就深處用以資俯拾搜羅爾甚微遁去將何入

滄

吳人今謂之蘄

萬植禦洪波森然倒林薄千顧咽雲上過半隨潮落其
間風信背更值雷聲惡天道亦哀多吾將移海若

簾

吳人今謂之簾

斬木置水中枝條互相蔽寒魚遂家此自以為生計春

冰忽融冶盡取無遺裔所託成禍機臨川一凝睇

種魚

鑿池收頰鱗疎疎置雲嶼還同汗漫遊遂以江湖處如
非一神守潜被蛟龍主蛟龍若無道跛鼈亦可禦

藥魚

香餌綴金鈎目中懸者幾盈川是毒流細大同時死不
惟空飼犬便可將貽蟻苟負竭澤心其他盡如此

舴艋

蓬棹兩三事天然相與閒
朝隨稚子去暮唱菱歌還倚
石遲後侶徐撓供遠山君看
萬斛載沈溺須臾間

簞簞

誰謂簞簞小我謂簞簞大
盛魚自足飡真壁能為害時
將刷蘋浪又取懸藤帶不及
腰上金何勞問著蔡

和添魚具五篇

漁庵

結茅次煙水用以資嘯傲
豈謂釣家流忽同禪室號閒

憑山叟占晚有溪禽嫪華物莫相非各隨吾所好

釣磯

揀得白雲根秋潮未曾沒坡陀坐龜背散漫垂龍髮持竿從掩霧置酒復待月即此放神情何勞適吳越

蓑衣

山前度微雨不廢小澗漁上有青襪襖下有新踞疎滴漉珠影泣離披嵐彩虛君看荷製者不得安吾廬

簞笠

朝攜下楓浦晚戴出烟艇冒雪或平簷聽泉時仄頂
颺移靄然色波亂危如影不識九衢塵終年居下泂

背蓬

敏手試江筠隨身織烟縠沙禽固不知釣伴猶初覺
閒從翠微拂靜唱滄浪濯見說萬山潭漁童盡能學

樵人十詠 并序

環中先生謂天隨子曰子與鹿門子應和為漁具詩
盡得其道而美矣世言樵漁者必聯其命稱且常與

隱君子事詩之言錯薪禮之言負薪傳之言積薪史
之言吏薪非樵者之實乎不可足以寄興詠獨闕其
詞耶退作十樵以補其闕漏寄鹿門子

樵谿

山高谿且深蒼蒼但羣木抽條欲千尺衆亦疑撲撒一
朝蒙剪伐萬古辭林麓若遇燎玄穹微烟出雲族

樵家

草木黃落時比隣見相喜門當清澗盡屋在寒雲裏山

棚日纔下野竈煙初起所謂順天民唐堯亦如此

樵叟

自小即胼胝至今凋鬢髮所圖山褐厚所愛山爐熱不知冠蓋好但信烟霞活富貴如疾顛吾從老巖穴

樵子

生在蒼崖邊能諳白雲養

去聲山家謂養柴地為養

纔穿遠林去已

在孤峰上薪和野花束步帶山詞唱日暮不歸來柴扉有人望

樵逕

石脉青靄間行行自幽絕方愁山嫵嬈更值雲遮截爭
推好林浪共約歸時節不似名利途相期覆車轍

樵斧

淬礪秋水清攜持遠山矚丁丁在前澗杳杳無尋處巢
傾鳥猶在樹盡猿方去授鉞者何人吾今易其慮

樵擔

輕無斗儲價重則筋力絕欲下半巖時憂襟兩如結風

高勢還却雪厚疑中折負荷誠獨難移之贈來哲

樵風

朝隨早潮去暮帶殘陽返向背得清飈相追無近遠
採山一何遲服道常苦蹇仙術信能為年華未將晚

樵火

積雪抱松塢蠹根燃草堂深爐與遠燒此夜仍交光
或似坐竒獸或如焚異香堪嗟宦遊子凍死道路傍

樵歌

縱調為野吟徐徐下雲磴因知負樵樂不減援琴興出
林方自轉隔水猶相應但取天壤情何求郢人稱

和酒中十詠

酒星

萬古醇酎氣結而成晶熒降為嵇阮徒動與樽壘并不
獨祭天廟亦應邀客星何當八月槎載我遊青冥

酒泉

初懸碧崖口漸注青谿腹味既敵中山飲寧拘一斛春

疑浸花骨暮若酣雲族此地得封侯終身持美祿

酒筍

山齋醞方熟野童編近成持來歡伯內坐使賢人清不
待盎中滿旋供花下傾汪汪日可挹未羨黃金罍

酒牀

六尺樣何奇溪邊濯來潔槽深貯方半石重流還咽閑
移秋病可偶聽寒夢缺往往枕眠時自疑陶靖節

酒壚

錦里多佳人當壚自沽酒高低過反坫大小隨圓甌數
錢紅燭下滌器春江口若得奉君歡十千求一斗

酒樓

百尺江上起東風吹酒香行人落帆上遠樹涵殘陽凝
睇復凝睇一觴還一觴須知凭欄客不醉難為腸

酒旗

摇摇倚青岸遠蕩遊人思風歌翠竹杠雨澹香醪字纔
來隔烟見已覺臨江遲大旆非不榮其如有王事

酒樽

黃金即為侈白石又太拙斲得奇樹根中如老蛟穴時
招山下叟共酌林間月盡醉兩忘言誰能作天舌

酒城

何代驅生靈築之為釀地殊無甲兵守但有糟漿氣雉
堞圯如狂女墻低似醉必若據而爭先登儀狄氏

酒鄉

誰知此中路暗出虛無際廣莫是隣封華胥為附麗三

杯聞古樂伯雅逢遺裔自爾等榮枯何勞問玄弟

甫里集卷五